

**JAVNA USTANOVA
DOM ZDRAVLJA BREZA**

Broj: JN- 210 /2025

Breza: 19.09.2025 god.

Na osnovu člana 100. stav 3. Zakona o javnim nabavkama Bosne i Hercegovine (Službeni glasnik BiH broj: 39/14, 59/22 i 50/24), a postupajući po Žalbi od 18.09.2025 godine izjavljenoj od strane žalitelja Berg d.o.o. Sarajevo, podnesenoj JU Dom zdravlja Breza na tendersku dokumentaciju u postupku javne nabavke „Biohemijskog analizatora“ za koji je objavljeno Obavještenje o javnoj nabavci broj 630-7-1-56-3-23/25 od 12.09.2025 godine, direktor JU Dom zdravlja Breza na osnovu člana 35 Statuta JU Dom zdravlja Breza, dana 19.09.2025 godine, donosi:

RJEŠENJE
o usvajanju žalbe

Član 1.

Usvaja se žalba od 18.09.2025 godine, izjavljena od strane žalioca pravnog lica Berg d.o.o. Sarajevo na Tendersku dokumentaciju broj: JN-201/2025 od 11.09.2025 godine u postupku javne nabavke „Biohemijskog analizatora“ za koji je objavljeno Obavještenje o javnoj nabavci broj 630-7-1-56-3-23/25 od 12.09.2025 godine.

Ovo Rješenje je osnov za preduzimanje radnje ispravljanja od strane Ugovornog organa i izmjenu Tenderske dokumentacije broj: JN-201/2025 od 11.09.2025 godine. Ugovorni organ će o preduzetoj radnji izmjene obavijestiti sve potencijalne učesnike u postupku.

Član 2.

Rješenje će biti objavljeno na web stranici Ugovornog organa.

Član 3.

Rješenje stupa na snagu danom donošenja.

Obrazloženje

Postupak javne nabavke biohemijskog analizatora je pokrenuta Odlukom o nabavci broj: JN-199/2025 od 11.09.2025 godine. Procijenjena vrijednost javne nabavke bez PDV-a je 34.000,00 KM, a postupak se provodi putem konkurentskog zahtjeva za dostavu ponuda. Obavještenje o nabavci broj 630-7-1-56-3-23/25 je objavljeno na portalu javnih nabavki dana 12.09.2025 godine.

JU Dom zdravlja Breza je dana 18.09.2025 godine zaprimila žalbu od strane žalioca pravnog lica Berg d.o.o. Sarajevo (u daljem tekstu: *Žalilac*) na Tendersku dokumentaciju broj: JN-201/2025 od 11.09.2025 godine.

Ugovorni organ JU Dom zdravlja Breza konstatuje da je žalba blagovremena, dopuštena i izjavljena od strane ovlaštene osobe.

U žalbi je navedeno da je žalba izjavljena zbog povrede odredbi Zakona o javnim nabavkama BiH, jer Žalilac zahtjeva da Ugovorni organ usvoji ovu žalbu tako što će da poništi ili izmjeni tendersku dokumentaciju na način da isti uskladi sa odredbama ZJN i obezbjedi pravičnu i aktivnu konkurenciju. Žalilac u svojoj žalbi ističe da Ugovorni organ u objavljenoj tenderskog dokumentaciji preferira samo jednog ponuđača, te diskriminira žalioca i ostale potencijalne

ponuđače tako što je utvrdio tačno određeni model proizvođača odnosno sve obavezne minimalne karakteristike date u tehničkoj specifikaciji ožalbene tenderske dokumentacije koje u njihovoj ukupnosti može da ispuni jedino Biohemijski analizator proizvođača Biotehnica Instruments sa svojim modelom BT1500. Žalilac navodi kako je procijenjena vrijednost javne nabavke koja je postavljena na 34.000 KM neutemeljena budući da su drugi ponuđači nabavljali ovu vrstu robe u vrijednosti koja se kretala od 23.000 do 27.000 KM. U pogledu tehničke specifikacije žalilac dostavlja kataloge biohemijskih analizatora koji se nude na našem tržištu, te da ne postoje dva ponuđača koji bi mogli ponuditi biohemijski analizator po ovim karakteristikama. Žalilac u svojoj žalbi je taksativno naveo koje stavke u tehničkoj specifikaciji osporava i navodi kako iste preferiraju jednog ponuđača u ovom postupku javne nabavke a to su: Brzina veća od 240 fotometrijskih testova na sat, zatim korisnički meni preveden na jedan od tri jezika BiH – dostaviti dokaz, zatim reakcioni volumen: 180 do min 350, zatim potrošnja vode maksimalno 1.500 ml/h, zatim automatska dilucija patoloških i hiperaktivnih uzoraka i automatsko ponavljanje patoloških i hiperaktivnih uzoraka, zatim najmanje 10 filtera (340-380-405-436-480-51 0-546-578-630-700 nm).

Ugovorni organ je žalbu razmotrio, te žalbene navode Žalioca smatra osnovanim gdje je u tom pogledu izvršio Izmjenu i dopunu tenderske dokumentacije br: JN-209/2025 godine od 19.09.2025 godine, te je objavio novu tehničku specifikaciju. Svi žalbeni navodi su osnovani osim prigovora u pogledu procijenjene vrijednosti javne nabavke koja je u tenderskoj dokumentaciji postavljena na 34.000 KM. Ugovorni organ je navedenu procijenjenu vrijednost odredio u skladu sa Planom javnih nabavki za 2025 godinu, te ista ostavlja mogućnost svim potencijalnim ponuđačima čija je cijena aparata ispod postavljene vrijednost da mogu dostaviti ponudu. Ugovorni organ u konkretnom slučaju prilikom objave tenderske dokumentacije nije mogao odredit procijenjenu vrijednost iznad 35.000 KM jer je ista limitirana u Planu javnih nabavki za 2025 godinu.

Postupajući u skladu sa odredbama člana 100. Zakona o javnim nabavkama Bosne i Hercegovine, donesena je odluka kao u dispozitivu.
Postupajući po žalbi JU Dom zdravlja Breza je u Zakonom predviđenom roku izvršila izmjenu tenderske dokumentacije u dijelu koja je osporena ovom žalbom.

Pouka o pravnom lijeku: Protiv ovog Rješenja se može izjaviti žalba Uredu za razmatranje žalbi (URŽ), putem Ugovornog organa u roku od 10 dana od dana prijema Rješenja.

Dostavljano:

1x Učesnicima u postupku JN (putem e-pošte);

1x Direktor;

1x a/a



DIREKTOR

[Signature]
dr.spec. Amina Tabaković